



Ассаламу гялайкум, дубурлант!

# ШИЛА ГЯМРУ

**СЕЛЬСКАЯ ЖИЗНЬ**



Дахадаевла районна жамигЯтла - политикала газета

№ 6 (8548) 2023-ибил дус.

Февральла 10.

ЖумягI.

Багъа I2 кьуруш 32 кепек

## Районна администрациялизиб

### ДурхИнала арадеш мяхIкамбирниличила гъай детаур

Гъалабан Дахадаевла районна администрацияла заседаниебала



рули сай. Илгъуна изайзивадли мяхIкамвиэс багъандан вакцина барес хIяжатси саби. Илбагъандан нушани халкъличил иргъахънича хIянчи дураберкIес хIяжатси саби ва илдази чебетаахъили аргъахъес гIягIничи саби ил декIси изалала асуртачила, иличи къаршидеш дирес чараагарси биъниличила.

заллизиб дураберкIибси учреждениеби-организациябала руководителътала, райадминистрацияла аппаратла хIянчизартала ва шимала муниципалитетунала бургала бутIакъяндешличилси тIинтIси совещаниеличир мягIничебсили бетаурси масъала хIербариб.

Совещаниелиси бекIдеш дирулри муниципалитетла руководитель МяхIяммад ГIядулкъадировли.

Балбуцличиб 3 базличибадли 10 дусличи бикайчи гIямрула районна мер-мусаличиб хIербирути дурхIни чейхъути излумазибадди мяхIкамбирнича мурадличил пайдаладирути вакцинаби дирнича кIибиб турла чеимцIати бетуцличи хIядурдеш бирнича масъала ахъбуциб.

«Нушани лебтанилра балула нушала улкализиб полиомиелитла изайчи къаршити прививкаби хIедарибти дурхIнала лугIи имцIабикIниличила. Илгъуна аги профилактикала бетуцуназибадди гIелумбилзниличил бархбаси саби.

Илкъяйдали специалистунани балахъули саби, дунъяличив полиомиелитла изайчи викибси ца адам левли виалли, лебтасалра ил секIал урехиласи саби или. Ил изалала асар лерилра гIямрулизиб кавлули саби ва адам чулахъ вета-

Муниципалитетла мер-мусаличиб хIербирути адимтани балули биэс хIяжатси саби кIел турлизир дурхIнас вакцинаби дирнича баркъуди дураберкIес пикрибарниличила. ДурхIни чейхъути изайзибадди мяхIкамбирнича мягIничебси баркъуди саби ил», — буриб районна руководитель МяхIяммад ГIядулкъадировли.

Районна мер-мусаличиб хIербирути дурхIни чейхъути излумазибадди мяхIкамбирнича мурадличил

пайдаладирути вакцинаби дирнича кIибиб турла чеимцIати бетуцличи хIядурдеш бирнича баркъуди секъяйда дураберкIулил баянбирули районна больницала бекI тухтур Набигуллагъ ГIядуряхIимов гъайухъун.

Докладчикли бурни хIясибли, потребителътала ихтиюрти далтахънича ва адимтала яшавлашалси аги ункъбирахънича шайчибси Федеральная службала руководитель Анна Поповала кагъурти ва полиомиелитла изала кабилзахънича шайчибси Миллатла Центрла насихIятуни хIясибли, 3 базличибадли 9 дусличи бикайчи, районнизиб хIербирути дурхIни, чейхъути излумазибадди мяхIкамбирнича мурадличил, пайдаладирути вакцинаби дирнича чеимцIа планнизи каберхахъурли саби.

«КIел турлизиб иммунизация дураберкIес пикрибарилра: 2023 ибил дусла февральла 27-личибадли мартла 5-личибикайчи ва 2023 ибил дусла апрельла 3-личибадли — 9-личибикайчи.

Илгъуна баркъудили чейхъуси изайчи къаршиси иммунитет имцIабирахъули саби. Чедир гъандушибти вакцинаби дикахъес багъандан Дагъистан Республикала арадеш мяхIкамбирнича Министерстволиси заявка бархъилра», — буриб районна больницала бекI тухтур Н. ГIядуряхIимовли.

Дахадаевла районна СанПинна отделениели балахъули саби 3 базличибадли 10 дусличи бикайчи гIямрула 2575 дурхIя лебниличила.

Балбуцла ахирличиб МяхIяммад ГIядулкъадировли Дахадаевла районна ЦРБ-ла хIянчизартани службабала ва учреждениебала, халкълизи мягIни-хIял далахъути бетуцунала вакилтачил барх цахIнабли белгиси хIянчи дураберкIес хIяжатли биъниличила багъахъур. Илкъяйда бахъла бутIакъяндешличил вакцинаби дурадеркIалли, коллективный иммунитетра лайикъси даражаличиб бирар.

**М. ГIяхIмадова,  
Информационный отдел.**



Даргазир дахъал лер Дагъиста тарихлизир чуни якъинти къел датурти шими. Цацадехъити илди шимала адамтани чула ши машгъурбирули саби дьвтазир гъабзадеш чедиахъниличил, итилтани — гъяхъити гъяхъялдеш дирниличил, хъябъэстанира – пагъмуличил ва някъла усташлиличил...

Амма бурес чебиркур, арбъакъунси даршдула бехъибхъудлизир нушала улкалилизир диубти граждан дургъбазир бегълара халати бутлакъяндеш дарибти даргала къел ши сари или: МикъИли ва Хурехъи. Илди къелра шилизибадди сабри бегълара бахъал «Хунтлена партизан» бикъуси хурматла у сархити адамтира.

Хурхъила революционертачила ва хунтлена партизантачила нуни чумал макъала делкъунти сари. Илди макъалабала бекълибиубси мягъна гъяхъгъабза даргантачи нуни пахрубирули виъни чебаахъни сабри. Ишбархъи газета бучлутас гъалабирхъуси макъализиб наб бурес дигулра микъИлентачила, илдала ургаб биубти ва бусагъятра лебти гъяхъгъубзначила.

«Сен гъатли хелукъусив нуни илдала ца гъяхъси макъала, ил белкъес лайикъси сабабра леббиалли?» — бакъиб бекълизи пикри ва, ил багъандан, нуни гъяхъил балути ца-чумал микъИлейчила чебетаахъили бурес къас саби.

МикъИлила ши лебилра дагъистанлантани гъяхъил балуси лутИхъулчилизибадди даргала ши саби. Бахъал чула ши машгъурбарити адамти акъубти саби илаб: поэтуни, писательти, тухтурти, гъялимти, бузерила ва жамигъятла зяхъиматчиби ва цархъилти.

Дила макъализиб нуни гъанбуршифра МикъИлила шилизибадди гъяхъгъубзначила, нушала улкалилизир диубти дьвтазир илдани дарибти бутлакъяндешличила. Илдала баянти нуни Б. М. Арсланбековла «Мекеги. Исторический очерк» жузлизирад касибти сари. Хера ишди:

— Цаибил Дунъяла дьвлизир 15 микъИлени бутлакъяндеш дарибти сари. Австро-Германский фронтлизиб Дагъиста саби гъахъулалли гъярмицли биубгала (доброволческий) дивизиялизиб илди бургъутири. Илдазибад имцлати дьвила авлахъуначиб алхунти саби.

-- Граждан дергъла замана азирцада микъИлен Гъя-къахъализиб Деникинна къазакъуначи къаршили бургъули калунти саби. Илдазибад дьвлизиб бургъес бирути 700 мурул адам сабри. Гъелаб калунти 300 бухънаби, гъулухъаби ва хъунул адамти сабри. 63 микъИлен- бургъан ил дьвлизиб алхунти саби. 1919 ибил дуслизиб душмантачил бургъути 300 микъИлен хунтлена партизантази халбирути саби.

— Чебяхъси Вагъла дергълизир 564 микъИлени ( дьвила комиссаригъят-

ла баянти хъясибли 409) бутлакъяндеш дарибти сари. Илдазибад 290 бургъан дьвлизиб алхунти ва къел-хъерзи агарли беткахъибти саби.



— Гехъел микъИлен Афхъанистаннизибра бургъули калун. Лебилра илди, халкъани-ургабси чеблахъили, хъули чарбухъун.

МикъИлентачила чеимцла багъес дигутани Б. М. Арслабековла жуз белкъес бирар. Наб биалли дила макъалала бекъ игитличила бурес дигулра.

Бусягъятра дила столличиб «Наш Избербаш» газетала ишдула 4 ибил номер леб. Илар «Встречи с героем» ва «Врачи на передовой» бикъути къел макъала лер. Къелра макъализиб бурули саби РФ-ла ярагъладарити цакъанани Украинализиб дурабуркъуси хасси дьвила балбуцлизиб бутлакъяндеш дируси микъИлен урши Зали Шамильевич Муртузалиевличила.

Газетализирти суратуназив ил адам гъядатладиубти палтарличил вегъиубли сай ва илала михъирличиб Гъабзадешла орден ухули саби. Цаибил макъализиб бурули саби «Избербаш шагъар» округла бекъ Мяхъяммад Исаковли ва шагъарла Собраниела депутатунала председателъ Расул Бакаевли медицинала службала гвардияла лейтенантличил ихтилат дураберкъиб или.

Хасси дьвила балбуцла цаибти бурхъиназивал вехъихъили. Зали Муртузалиевли дьвлизиб бяхъибти нушала бургъанти берцахъес халати жигарчердеш чедаахъили уили сай. Санкт-Петербурглизибси С.М. Кировла у бихуси Дьвила-медицинала академия таманаибси гвардияла лейтенант Зали Муртузалиевла хасси сигнал (позывной) «Донор» саби.

Даргала мезли ил «Ии дедлуган» бикъуси дугъбала цехъинабик нуни иргъулра «жан дурцахъан» ибсиван. Нушала бяхъибти бургъантала жан

дурцахъан. Сунес урешила биъниличи хъерхъеили, цархъилтала жан дерцахъес къайгъилизисви адам. Иличибра жагаси цархъил позывной бирусив ургъанна?! Жан дурцахъан...

Гвардияла лейтенантли сунечи хъарси чебетаахъили бирнилис бикъри-гъунидеш дирули сари илис гитти хъукъуматла шабагъатунани.

«Гъабзадешла орденна» чеди ил гъалавихъили сай медальтачира. Баласра, отпускличивад чарухъунси Зали Муртузалиевла михъирличир илди пархъулхъан. Илдала лугъилизиб — ургъаннис бегълара дурхъаси «Гъабзадеш багъандан» бикъуси медальра – медаль «За отвагу».

Илди макъалабазиб гурра бурули саби адамдеш деткахъибти душмантани гъячихъли балули чула тупазирад нушала медицинала часть лебихъи ца челкъули сари или. Нушала бургъантас гъягъинидеш хъясибли харждарес даарицад дармунтира лер или бурули саби илди макъалабазиб. Илди гъай якъиндирути далилтани детарули сари дила макъалала игит Зали Муртузалиевли дурутира.

Муртузалиев Зали Шамильевич акъубси сай 1998 ибил дуслизив Мяхъякъалализив. 2015 ибил дуслизиб Мяхъякъалала 17 ибил номерла гимназия таманаибси, ил Санкт-Петербургла дьвила-медицинала академиялизиб учкъес керхур. 2021 ибил дуслизиб академия таманаибси дарган урши гъярмиялизиб къуллукъбирахъес Читала областлизиб вархъиб. Иркъ февраль базличиб Украинализиб нушала гъярмияла дьвила хасси балбуц бехъибхъиб, ва дила макъалала игит цаибти бурхъиназивал ила арукиб. Иллини къуллукъ бирули калун Киевла, Изюмла, Южнодонецкла дьвила направлениебазиб. Бусягъятла замана Зали Муртузалиевли Угледарское направлениелизиб къуллукъбирули сай.

Украинализибси дьвила хасси балбуцлизиб къуллукъбируси гвардияла лейтенант дьвила бригадала медицинала службала начальник сай. Иллини бурни хъясибли, дьбали къяянни буили саби дьвтазиб медицинала хъянчизарли виэс. Илдани дьвила авлахъуначиб бяхъибти

бургъантас медицинала цаибси кумек гъеббиахъуси саби ва илди гъярмулис урехиагарси мерличи арбикути саби.

Дурути дацти гъайли хъедиахъес багъандан, макъализиб бурисра, се гъунар кабикахъили гитсил Зали Муртузалиевли Гъабзадешла орден. Зали Муртузалиевли гъалабси (передовой) душмантани минабани баршибси авлахъличибад 18 нушала бяхъибти бургъан сунела къакъличиб 700 метрла гъарахъихъи арбукибти саби. Илди нушала бургъанти лебси мерличи аркухъели, къарлизиб сунес сунени гъуни бирули, ил урехи агарси мерличи виусири ва илаб бяхъибтас цаибил медицинала кумек гъеббиахъусири. Хъусли ва шуси жагъил лейтенантлис баргбердиси минала бургъяла чегили буилри, ва ил вяхъибсири.

Зали Муртузалиевли бурни хъясибли, имцаливан медицинала частьличи тупа иртути душмантази саби чи сабил хъебагъахъес багъандан, нушала медицинала хъянчизартани чула машинтачи даршибти яра делкъунти медицинала лишанти чьртли дикули дуилри. Илди машинти ца мерличибад итил мерличи дугела замана гечдирути дуили сари.

Зали Муртазалиев наб чеваэс дигусири. Бетхъеур. Ну илала хала дудешличи Изберглизи уккъес валкъхъеурли левалли, Залила отпуск таманбиубли уббухъун. Ил сунени гъярмиялизиб къуллукъбируси Читала областлизибси дьвила частьличи чариуб. Илала дудеш Шамиль Муртазалиевли бурни хъясибли, урши нушала гъярмияли Украинализиб дурабуркъуси хасси балбуцлизиб къуллукъбирес гурра сунела мерличи чарулхъуси сай.

Дила иш макъала бучлутас гъанбикес асубирар, сен илцадра гъяхъли далутив или нуни дила белкъла игитличила баянти. Бархъси пикри саби илдала. Нуни къайгъибирисра ил суал гъячихъбарес.

Муртузалиев Зали Шамильевич дила дебали гъамси юлдашла уршила урши сай. Илдала хъалибарг нушала лебилра жинсла гъяхълира саби. Лебтанлра бални хъясибли, нушала дубуртазив цацабехъити тухумтичиб гъяхъял гъалавируси сай. Хера, илгъуна адам сай наб, дила тухумтас ва шантас микъИлен Азибхъянд Бяхъяндович Муртузалиев. Ил нуни нуша студентунани дирухъелил валуси сай: Азибхъяндра нура ца общежитиеллизир хъердирутири.

Арбъакъунси даршдула 80 ибти дусмазив ну шилизив учительли узухъели, Азибхъянд нушала районнизи КГБ-ла начальникли вархъибсири. Илхъели гъатлара уржиб нушала узидеш ва гъалмагъдеш. Нуша имцали къар-

(Ахир — 3-ибил бяхъилизиб)

## Исрапилла игит уршби

Дахадаевла районна Кубачила шила мякъларти мер-мусаличиб ва Уркухъла шилис циила гъарахъли,



Къара-Къурейшлис гъамли, хабарла Хула херкля дублаб, тлабиглятларилра жагадешунани алавбуцибси ургуба леб. Даршани дусмазиб илаб хербирули саби диблуканти. Дибгаликля шила ура сунела мер-мусаличи мешуси саби. Ахъти шурми ца шайчир сари, хъярхъси херкитил шайчиб. Жяв замунтазиб гъармукаби чебулхъуси ца гъуни сабри лебси. Жура-журала цедешла, хивала дахъал галгуби лер, пергер анхъ ши-алавра глебшнлизиб берхъили бирар.

Сецад жагаси тлабиглят лебли билалра, ил шилизир яшавла шуртгир гъамадти ахлен. Чумра хабарагарти балагъуни чедаиб Дибгаликля ванзали. Чял-заб диалли, Хула херкля

халабиур, вацализи ва унра шилизи башути херкличирти гумурби, хъа мицираг херкли ардиху, дахъал зарулти дирахъу шантас.

Верг аклубти мер-муса дахъ дурхъати сари дубурлантас. Тяп илкъяйда сунела шиличи ва шантаци дигили вицили херкайрули сай дила юлдаш Исрапил Даудовра. Илала кулпетра чус ахлерси Дибгаликлизиб саби хербирути. Исрапилла ва сунела гямрула юлдаш Насибатла хябал урши леб. Исрапили хяйвантала тухтурла санигяб чеббиклиб. Дагъистанна шила хозяйствола академиялизиб белчлуди хъарахъурли гергъи, хяйвантала тухтурли усташличил узули, шант-ургаб халаси хурмат сарху илини.

Дурхънани дудешла санигят чебхлебиклиб. Илдани Ватгайс марси къуллукъ бирули саби. Халалгъуна урши Гябдуллахяжи Росгвардияла отделениела командир сай. Илинира шила хозяйствола академия таманбариб ва чебхъси даражала багъуди касиб. Микаилли Владикавказлизибси Суворовла училичси училище таманбариб. Гур дявила академияла курсант ветаур. Илини 2019 ибил дусличибадли танкабала дивизияла инженерная службала начальникла къуллукъуни дузахъули сай.

Украинализиб дурабуркьуси дявила хасси балбуцлизир бутакъяндеш дирули нушала Дубуртар Улкала бахъал цархилти дурхънира леб.

Цархилтаниван, дахдаевлантанира, чула гямрулис урехи лебнилич херхлеили, гъар бархи гъабзадеш дакьудирули сари.

Исрапилла уршбанира Украинализир кидиркути дявила анцбукъуназир бутакъяндеш дирули сари. Илала келра урши бегларавла жавалати ва урехилати мер-мусаличир кидиркути дургъазиб саби. Микаилли «Гъабзадеш багъандан» ибси медаль сархиб.

Илди келра багъадур отпускличи баклибхели, илдачил гъуниваира. Илдала пикруми-къасани бахъалгъунти жагъилталачи мешути ахленри. Чунидяхъурти къиянжапаличила гъайбиклес дигули ахленри илдас. Илди имцаливан чунидякъуллукъбирули калунти мер-мусаличи чарбухъес ва чула юлашуначил бархли бургъес, илдас къияндикибхели кумекличил музабухъес хяжатли биъниличила гъайбиклури.

Украинализир дурадуркьути дявила анцбукъуни дехидихъибхлейчирад чула уршби илаб сабхели бурги, Исрапилра Насибатра сегъуна къакъадешлизибрил багъеслири, амма илдани яхъбуцилри. Чевяхъсини илдачи чула ахлerti дурхъни разили ва ара сагъли чарбухъахъаб.

Исрапилла, Насибатла ва цархилти бургъантала беглала уркьиб гъачамалра пашманмадиаб. Илдала нартани аралачидешра сархили чула беглачи чарбухъаб. Гъар

бархилизир лебтанилра гялтицун хабурти иргъаб. Гъариллис арадеш, бекла чедиб даршуси зак диубли дигула. Нушала бургъантасра цакъанира къуватра имцадараб, жявжявли дургъбира тамандиубли, хилкьули чула хъалибаргуначи чарбухъаб.



Исрапилла ва лебилра дявила хасси балбуцлизир бутакъяндеш дирути уршбала нешанала, рузбала, хъунрала, дурхънала балгни Алагъли къабулдараб.

Бургъанти даршудеш кабизахъурли, разили чула хъулрази чарбухъаб. Дунъяличиб даршудеш тинтляб.

**М. Мухтаров,  
Дибгашила ши.**

### (Бехлибхъуд — 2-ибил бяхлизиб)

шидиркули дирахле. Нушала разидешра пашмандешра ца бирусири. Нуша цаличи ца гялладлира дашули дирутири.

Нуни багъурра бахъал Азибхяндла тухумтира. Адамтачил гъамадли юлдашдеш дарес балуси Азибхянд бусагял гъалмагъикиб дила дудешличил, узбачил ва шантацил. Дибгашиб ва Дахадаевла районнизиб бахъал лебти саби Азибхянд валути. Сунела адамдешли сархиб нушала районнизиб илини халаси хурматра.

Илала урши Шамильли сунела виштляхелла гямру Уркархъир деркибти сари. Азибхяндла хъунул ва Шамильла неш Умурахъиллира, районна больницализир цулбала тухтурли рузули, дахадаевлантала ургаб халаси хурмат сархибси саби.

Наб гъанбиркур: цацахели гуявличи ва урсилчи Уркарахъи

гялладли рашули рири пергер дурлан хъунул адам Тайбат Султанбековна Гялиева. Сунела заманализир ил КПСС-ла райкомла хябэсил секретарьли ва обкомла инструкторли рузули калунсири. Илала дудеш Гяли Султанбеков граждан дургъбала жигарла бутакъянчи вирусир. Илала къайгъиличибли 300 мурдати ва хъурати микхлен Гяя-къакъаниб какибси дявилизи дурабухъунти саби.

Илала хъунулли, архяла юргъанра сунела мургъи-арцла матяхъра дицили, муруллис тупангра 150 патронра асибти сари бикьули бурули бирар. «Гяя-къакъанибси дявлизи дукъес гъалар нушани, къули, унци ва хъа ваяхъли дицили, тупангуну исутири», — бурули сай Гяли Султанбековли граждан дергъличила сунела гъанбикуназиб. Гялцадхъи нушала районнизиб

кали, арбъкъун нушала гялхили чула районниз. КГБ-ла подполковник Азибхянд Бяхъяндович Муртазалиев гъаланачив Лавашала районна райисполкомла председателли, гур биалли КПСС-ла цаибил секретарьли узули калун. Ахирра гечбиуб илди Мяхъячкъалализи. Ишав ил транспортла инспекцияла начальникли узули калун. Азибхянд Муртузалиев 3-ибил класла государственнй советник сай. Бусягял сунела хъунул Умурахъилличил вархли Избербашлизив херрирули сай.

Виштляхелла гямруличивад валуси сай нуни Азибхяндла урши ва Залила дудеш Шамиль. Ил нушала республикала Следственнй комитетлизив узули вири. Шамиль Азибхяндович Муртузалиев юстицияла полковник сай. Сай узуси мерличиб Шамильли хурмат

сархиб. Ил «Сархидешуни багъандан» («За заслуги») ва хябэсил даражала «Гяйиб агарси къуллукъ багъандан» (За безупречную службу) медальтачил шабагъатлаварибси сай. Лер илала чула ведомствола шабагъатунира.

Хера, илгъуна хъалибарглизив аклубси сай ва дубурлантала гядагъуни хясибли вяркъурси сай иш дила макъалала бекли игит, гъанналис гъану шуралра дус хлейубси, Гъабзадешла орден бихуси микхлен гялгъабза урши Муртазалиев Зали Шамильевич. Дила мурхъси кабизурси пикри хясибли, илдигъунти беглала урши, сай левси журала ахи, цархил журала адамли виэс хлейрар. Ил багъандан сайра ну илис дезна виркъуси.

**Хяжимурад Ражабов,  
Дибгашила ши**

## ГІяхІти баркъудлуми

Кішала убил шила дуб кабуцили (западла шайчиб) саби ахъти зурба шурмани. Илдала ахъдеш шуцІали-урегцІали метрла ахъдешличи биур или гъанбиркули саби. шурмала удиб кабухъунси халаси ахІенси хІеркІ леб. Гъалабла замана хІеркІличиб барили шара, дурхІни куртІбикІули бири. ХІеркІла шин биалли держесра дихутири хъунул адамтани.

Сепайда, гъанна биалли дебали нядешлизир сари илди. Шинни-зив я вазес я держес пайдала-дерсра вирули ахІен. Баягъи илди шурмала чедиб, чІакали пукъа къяйдали белши бусягІятла замана цІур тІашли саби.

Ил цІур тІашбатурли гІергъи, «ГІялила шурмала» сипат дебали барсбиуб. Шурмала ахъдеш гІуррара ахъбиублин саби. Жагати сари алавла мер-муса. ЦІурла цаибил дерхІ гъалаб анкІи умудируси, анкІи (дјлчІуси) «ттинг» бирусире. Ила учибиркули бири хъунул адамти, илдас кумекбарес жагъти дурхІни ттингличи кабизес или баши. ЖагІилтала кумек агарли хъунул адамти ба-жардихІебирки. Бурули бири жагІилти делхъличи бурсикаби-эс башути саби или.

БусягІятра ил гъалабла ттинг бузес хІядурли саби. пергер устни Шихшанатла МяхІяммадла Къурбайра, ХІяйдарла МяхІяммадла ил лерилра далкадикахъили бузесли кабатур.

Ил цІурла лацІлизи кадихъибти лерилра дубурла лисла къаркъа сари. Сецад къиянни биалра, илди къаркъала лац барес лебтанилра бала сецад къиянни бирарал амма кумеклибиубли ил хІянчи кІел базли ахирличи бикахъиб. Илди шила дурабра хабардерхурти устни саби.

-- Гъай-гъайра гъамадла ахІенри, -- вкІули сай МяхІяммад, -- гъарил къяй сунела жураличиб белшес, гъарил къяйлис къаркъа декІардиресра гІягІнибиркулри.

Цаибил дерхІ декІарбирули, ургаб цІуба къаркъала къяй кабирхъуси саби, кІиэсил

дерхІла чедира илкъяйдаи лушуси саби.

Гъар бяхІлизир мажуртани иртути тІярхъубира лер. ХІябъибил дерхІличиб ахъси къуппа саби.

Чебетаибси хІянчи барибти, тарихла дурхъадеш шантас чарбарибти багъадур устнас лебилра уркІи-уркІилабад баркалла бикІули са-



би. КІелра устали кІел базли цІур баресра гъамадла ахІенри. Илдас кумекли биуб жагІил кумекчиби Маликла МяхІяммад ва ИбрагІимла Магъди, ва цархІилти адамти.

ЦІур барес дахъал харжанира детаур. ВецІну авра машина къаркъала, цемент, уркъли. Гъалабла цІурла жура чарбарес ва бетаахъес устнани чула гъарли-марти устадеш ахІерахІедариб.

Илгъуна тарихла памятник цІурмигІянтлис ва ил чебаэс или башути туристунас калахъес пикрибарибси багъадур сайри МяхІяммадла Багъаутдин.

Хъубзарла хъалибарглизив акІубси, дудеш Къурбанна МяхІяммад, неш – Умалатла ГІяй-

шатли айкъурси сай ил. ВиштІахІелил сакІубси, хІянчиличи дигичевси, халкъла хІурмат барес балуси, белчІудилизив ункъли бажардииркусили ветаур Багъаутдин. Илини военно-политическая школа таманбариб. МяхІячкъалализив ФСБ-ла хІянчизарли узули калун. ГІур ил Москвализи шурватур, дахъал гІурра жура-журала хІянчурбазив узули калун.

БусягІятла замана Белоруссияла пачалихъилизив дипломат сай. Багъаутдин мурталра шилизи вашар, шантас кумекбиру. Гъалабра илини Кішала шила ургубалаб гІинизра тІашбатахъур.

Сунела гІямрула ралликъяна Марзигетличил илини кІел дурхІя халабаахъиб, багъудлуми касахъиб: халал урши МахІяммадла дудешла къелкад арякъун бусягІят МахІячкъалализив ФСБ-ла органтазив узули сай. ВиштІал Баширли Волгоградлизив тухтурла санигІят чебикІили узули сай.

Нуни сунечила макъала хІядурбарес дигниличила Багъаутдиннизи багъахъурхІели ил вкІи: «Агъ, хІечи гІяхІбакІ! ЦІур барни хІебалуси хІергарну, дахъал гапъала малукІад».

Биаллира шантаницун ахІенну, лебил Дагъистайзибра чебаэси ва багъеси саби илини барибси ахІмакъ баркъуди.

ЦІурла гъал-гъану шура метрла лацла гъабуц барахъили сай Буза ГІябдулкъадирли. Багъаутдинна сипта гІеббуцили илинира шанти разиби-ахъуб.

Гъанна шурмачивад уди хІерикІес илцад урухкІесли ахІен: гъабуц леб, гІянжи-къаркъали ил мер лугІяна бариб.

Туристунас ва цархІилти хІербикІути адамтас гІяхІси чІябарра леб. Ну вирхулра ашкарли ил чІябарличи адамтази бамсриихъахъес скамейкабира гъамливан тІалабдирниличи. ГІурра ну вирхулра Кішала шилизир илдигъунти гІяхІти баркъудлуми имцІадирниличи. Ва илдигъунти гІяхІбаркъла адамти бахъбикІниличи.

БахъбикІаб баркъудила адамти!

**ГІ. МяхІяммадхІяжиев,  
Кішала ши.**



## ГІиниз къулайбариб

Дубурла гъарил шилизир гІинзурби лерти сари. Илди агарли гІергъи адамтас ва мицІираглис гъарахъти хІуркІбала шин пайдаладирес чевкъусири. Жяв замунтачирадли нушала хала бегІтани шила мякъларти шинна урунжуни пайдаладирули, гІинзурби дирути дурги.

Илдигъунти умуги ва пайдалати шинни гъарил адамлис разидешла хІяланира дихули сари. Уркухъла шила хъар шайчибси «Хъамхъамала» бикІуси гІинизра гъанна дахъал дусмазиб адамти разибирахъусили бетаурли саби. Абзурли дус кабикайчи иларадти шин пайдаладирули сари адамтани ва хІяйванти дужахъесра имканти лер илар. Илди шин янила къаркъси манзиллизирра миъдиргІули ахІен.

Пергъисе замана гІинизра хІяйванти дужахъес хасбарибси мерра ремонтдарес хІяжатли диъниличила балуги уркухъантани бузерили-

зи ахъес къасбариб. Шила администрацияличил барх илдани багаласи баркъуди дураберкІес илкъяйдали хІукмубариб.

ГІинизлизир, хІяйванти шинни дужахъес хасбарибси мерличир, къаркъуби ва нядешуни лерри ва шин пайдаладирес вирули ахІенри.

Илгъуна пайдаласи баркъудила бутІакъянчибани гІинизла мер-муса умудариб ва хІяйванти шинни дужахъес хасси гІягІниахъала кабихъиб.

Шила адамтала гъай хІясибли, илгъуна багаласи баркъуди дураберкІили гІергъи, шинни дужахъес янила замана хІяйванти дикухІели, адамтала уркІби разидирахъули сари илабси жагадешли.

ГІинизра хІяйванти шинни далхес хасбарибси мерра къулайдирухІели кумек гІеббаахъни багъандан шила шантани Уркухъла шила бекІ ГІябдулгІязиз Юсуповлис баркалла багъахъур.

**М. ГІяхІмадова.**

## Пагъмурти гурра дерхъаб

Анхълизирти цедешла галгуби цаван дерхъили хедирар. Цадехличир гъар дуслизир дахъал хъярби, гинцби, бягъли, ... дирар. Цацадехгачир камли дирар. Илдира - хъяшхъярли дучибти ва милкъяли дергунти. Илдачи херрикхъели наб творчестволизиб бузути адапти гъанбиркули бирар. Сенахенну цабахъла пагъмула бугадешли дахъал «цедеш» сархес имканбиклахъу. Бирар пагъму агаркъи, поэтуни, писательти, журналистунни, художникуни, мургъи-арцла устни, ... бетаэс дигути. Цархил шайчир дургаргу чула устадеш илдигъунтала, амма поэтунала хурмат имцали бирули чебиухъели, илди илдачил къяйли башулицунра кахъели, илдачибадди чедибикесра къаслизи кабилзули бирар. Илдигъунтас дубурлантани пагъ агар пагъмукарти иру.

Нушала даргала лукъантазир ишбархила манзиллизир бегларара берхъибси «анхъла» регл Аминат Гябдулмананова сари виклар хатла бетхерар. Илницад жузи дураибси ва бахъли журналистикализиб хянчи барибси дарганти-ургав ишбархи агара. Илчил бархли бузули калунти Ильяс Хясанов, Гямадхан Абу-Бакар, Амир Гъази, Мяхяммад Хямидов, Рашид Рашидов, Сулайбан Рабаданов, Газимбег Бяхъанов, ... гъанна цалра нуша-ургаб агара. Илдигъунти пагъмула нурли бяхъибти адматчил варх узес къадарбиънира халаси игъбарлизи халбарес вираргу. Мургила мякъла кабихъалли, жармара лямцбиклар бикларгу. Бара алра пагъму лебси адмалара илдигъунтачил варх виралли, ил шайчирти устадеш гъаладяхъ аркъян, пагъмула хячми чумадирар ва гъарли-марси творчестволизи гъуни бургу. Аминат Гябдулмананова биалли илди сунела къаламла узбачил ца къяйлизир мурталра ганзрикхъуси ва гъабгергъидешличил жузи дурауисири. Илкъяйдали илала газетаби-журналтазир багъладеш агарли ар-

гъбаибти макъалаби дура-дулхъахъули. Сарира илдигъунти изданиебазир мурталра рузусири. Ишхелла манзиллизир ил дурхнас хасбарибси «Лачин» бикхъуси дарган мезличил дурабулхъуси журналла редактор сари. Сунела бузерилизир гяхти сархибдешунира дирахъули, ил мурталра дурхначил рарх рирар. Сегъуна ва чинаб дурхнас ва жагъилтас хасбарибси балбуц бетурхалра, ил бегл гъалар ила музарулхъан. Илкъяйдали чеалкхъуси наслулис патриот бяркъ бедес, творчестволичи жагъилтала диги адикъес кумекрирули сари. Аминатли акхъуси заманара пайдалабирес балуси сари. Илнини лукхъути назмуртани бурули саби поэтли дугила манзиллизибра халкъсун гъанк ахъес мяштхъебирни-личила. Илкъяйда хъебиалри, 62 сари реглти жузи дурайэс рив илини? Даршалцад цархилти автортачилтира жузи лер.

Гъайгъай, илала сабухъебси бузери гядатла адматниунра ахли, улкали ва республикали ахъли къиматлабирули саби. Ишди бурхназибра илис республикала бек Сергей Меликовли грант бедибхъели иличил ихтиллат дураберкхъес къасбарира:

- Аминат Гябдулманановна, ишди бурхназиб Дагъистан Республика бек Сергей Гялимовичли культурала ва искусствала шайчиб 2022 ибил дуслизиб гъалабихъибси грантла конкурслизир чедибдеш сархнила Дипломличил ху шабагъатларарири. Секъяйда бажардирикирил илгъуна сархибдеш биахъес бурили дигахъири. Ил грантлис дикибти арц секъяйда харждарес къас леба?

- Нушала улкали лукъантас, культура гъалабяхъи букес къайгъилизибти деклар-декарти пагъмуртала бегтас чула пикруми гямрулизир детерхъахъес багъандан грантуни лугни гяхъиси баркъуди саби. Нуни 2008-ибил дуслизибра грант касибсири. Гъай-гъайра илди арц сари. Илди арцлис биштлати дурхнас

хасбарибси «Сихрула тугъи» бикхъуси жагали балкъаахъурси жуз дураира итхъелира. Ил жузличи бахъал мугъяллимтира дурхнира разибиубтири.

Бусягъатра грантлис кадизахъурти арцла харжани гяхъицад лер. «Шилизир шала пъякъдикиб» бикхъуси дурхнас хасбарибси ва къугъали балкъаахъурси жуз урус мезли ва дарган мезли дураэс балкъаахъурлира. Иларти дарган мезла назмурти урус мезличил шурдатурти сари. Тилмажлисра шурдалтнула багъа кабизахъурси саби. Бегларара гъалабкарси ва халаси хянчи барес чевкъуси саби художниклис. Амма наб гъарбизур художник дила рурси Альбина риъни багъандан. Гъарил назмула мягъиниличи балбикибси сурат бирес чевкъар илис. Дурхни суратуначи халаси иштхъиличил хербикхъутира сабину. Гъанналаур нуни дураибти лерилра жузи художестволашал далкъаахъурси Альбина сари.

Жуз дураахъес ну «Лотос» бикхъуси типографияла директор Мяхяммадов Мяхяммад Хяжирабдановичличи дугъаризурра. Шагъарлизир сецад типографияби лер диалра, ил типографиялизиргъунти технологияби агара. Дила лерилра жузира илар сари дуракаибти.

- Хуни хъела пагъмуртани жагабарибси творчествола кумекличил даргалацунра ахли, Дагъистанна литературара гъалабяхъи арбукилри. Ил секлайчила лебтанилра балусира саби. Республикала ва улкалацунра ахли, хуни дурала улкназира гяхъицад шабагъатунира сархилри. Илдачирли ху уктемриублира ахленри. Секъяйда илдигъунти ахъдешуначи раибсирил нушазира бурили дигахъири.

- Ге, шабагъатунани ну гъалабкарсили ретаахъурра. Бучантала гъалар урузхъериэсли чекаризахъес хяйли хъарбирули саби.

Дила гяхъицад юбилейтира диуб. Илдачи даргала ва цархилти миллатунала бахъал халкъара башутири. Муху Гымбатович прези-

дентхъели, наб илини ва Мяхъякъала шагъарла мэрла шайзибадди у белкхъунси сягъат гиби-сири. Мяхъяммадгъали Мяхъяммадовли (сунела хъаб нурли дицлабну) республикалис бекдеш дирухъели, «ДР-ла культурала рурибси хянчизар» ибси у ва медаль гибири. Мяхъяммадсалам Мяхъяммадовли биалли «Дагъистанна халкъла поэт» ибси Диплом ва медаль гибири. Гябдусамад Хямидовли ва Рабазан Гябдуллатиповли хурматла грамотаби гибири. Наб лергер дурхъати шабагъатуни сари Москвала писательтала Союзла бекли гиби А.С.Грибоедовла ва Нобелла премияла лауреат И.Бунинна умачилти премияби, «Россияла цуба къургъи» бикхъуси медаль, Дунъяла Халкъани-ургабси «Филантроп» ибси, Шекспирла уличилси премияби, Италияла «Мургила чъака» бикхъуси кийна премия сархира. Россияла Регионти-ургабси жамигъатла чулахъунала ва дявила баркъудлумала шайчибси организацияли «Яхъи ва пахру» бикхъуси орден гибири. Улкала ва республикала писательтала союзунани гибира грамотаби лер. Лерилра наградаби ишар гъандушесра хейрар. Камли ахлен далайчибани ва илдачи лехирхъутани лугути къиматунира.

Аминат Гябдулманановна, ил награда хъела бегла гергъисигъуна хъебиъни гячихъси саби. Ху мурталра бамсриагарли рузулри ва гъаларяхъи рашулри. «Замана» газетала редакцияла хянчизартани ху илгъуна сархибдешличил бархбасахъи, мубаракрирулри. Хни нуша илдигъунти чедибдешуначил мурталра разидирахъула ва дирхула хуни гурра чумра шабагъат кайснеличи, гъатлира сагати жузачил даргантицунра ахли, дагъистанланти ва улкаланти разибрахънеличи.

Дерхъаб хъела пагъмурти, хурматла Аминат Гябдулманановна. Чевяхъисини хъед къаркъагъуна арадеш габ илкъяйда гъаннала гергъира сабухъчерли рузахъес.

Патимат Къурбанова

### Россияла игит

#### Мяхъяммад Нурбяхъановлис

Жагъдешла тйализирти Хъела жагати Гямру, Дев бурили дерцахъес Хуни вирусиригу.

Цала къялтаван алки Вайгъубзначил чевхъунри, Къачагъунала къурла Къасани дебкхъахъири.

Гямру мяштхъедарили Вайгъубзначил чегахъири, Беклаагардешлизи Чумали ганз кацлири.

Мяхъяммад, хъела хабар

Гяйбиуб дунъяличи, Мургила хатли белкхъун У мармар къаркъализи.

Къургъала къяйлизивра Ветаурри гъавкъяна, «Дузена, узби дила» Диклахъулри илдира.

\*\*\*\*\*

Ахъдешличи зубрала Виштлахъелил хъясратли, Чеббиклиб Мяхъяммадли Зубари гъабзадешла.

Сунечи ваэс къасли Гъунартачи гъуцикили, Ванзалан зубариван Алки хъериуисири.

Мяхъяммадла зубари Ухули саб гъаннара, Хъебилшахъа азир ду Гъунарли багъадурла.

Гядатла хурхъан урши Ветаурри хабарла, Ахъбарри дурхъал багъа Россияла, Кавказла.

#### Мяхъяммадла дудешлис

Игит уршила ада Хъечи пахрубирулра, Хабарла уржиб гъабза Айкъес дагърила уста.

Нурбяхъанд, ху ахълири

Байрахъван чедибдешла, Даршдусмазибра кавлан Гъунар хъела уршила.

Хъела гъязиз уршили Гъав бедиб гъяламлисра, Гъунарти сархахъесра Гъабзадеш дихъяхъесра.

Зубартала цахъинабик Даимлис кавлуси саб, Хъела дулекла урши Илдала дайлизив сай.

Ахиратлизи хъевкъес Хейрар акхъуси адам, Беклаагардешлизи Гъарилра укхъес хейрар.

Биклар чатли дучули Сари гъанцбиубтасра, Адицур зубартира Сукъурбиубтачира.

Цабехъитани кеп кайсу Дугила зубартала, Нуникхъун далай асли Дучлахъис лусентира

\*\*\* \*\*\*\*\* \*\*\*

Мукхурлира, мукхурли Нура садакъачира, Далайлигир умцхули Гямру харжжадирулра.

Далай буртули вашан Хергулира Батирай, Махъурбази, шимази Арцигу дила далай.

**Предприниматели могут получить льготные кредиты на расширение своего бизнеса в рамках нацпроекта «Малое и среднее предпринимательство»**

**Кто может обратиться за льготным кредитом?**

Индивидуальные предприниматели, самозанятые и представители МСП, которые работают в приоритетных для государства отраслях.

**На что можно потратить деньги?**

- на развитие бизнеса: покупку нового оборудования или помещения, реконструкцию производства (сумма: от 500 тыс. рублей до 2 млрд рублей, срок погашения - 10 лет);

- на пополнение оборотных средств: закупку новой партии сырья или выплату зарплаты сотрудникам (сумма: от 500 тыс. рублей до 500 млн рублей, срок погашения - до 3 лет);

- рефинансирование старого кредита;
- развитие предпринимательской деятельности - актуально для микробизнеса и самозанятых (сумма: до 10 млн рублей, срок погашения - до 3 лет).

Оформить льготный кредит можно в региональном центре «Мой бизнес», его выдают в 100 банках.

Программа продлится до конца 2024 года.

**Ответы на сканворды, опубликованные в № 5**

Ну Дахадаевла районизив КПСС-ла райкомла цаибил секретарьли узуси манзиллизив бахъал пергерти адамтачил тянишиэс къадарбиубсири. Илдазибадла имцатигъунти дила гъахти юлдашунира бетаур. Итхели хъаким виаб, гъадатла адам виаб гъалмагъбиркес гъелабитикъути ахенри ва цабахли цабахла халаси хурматбиурсири. Арцла вегI сай яра давла-масла вегI сай или, цалис цали ялавкардеш дироти итхели бирути ахенри. Къантгли буралли, итди замунтазиб усалдеш дироти, хиличи гъаргъти, кибяхянти... хебурги или гъанбиркули саби. Илцадра жагаси бетуцлизиб даршули, цабалги, барсур хурмат-къиматдирес гъалабулхъули, шадли ва хъялалси бузе-рилизи ахъили бири адамти.

Гъанна дусмала асарлиуб арадешра хъархкабиубли, хъулив имцали ветарухели, пикривикъули вирус дила итхелла пергерти гъамруличила, марти юлдашуначила, баракатла ванзаличир зайдикъути бузевила макъамтачила, ... Ишхелла манзилличил итди замунти цугдуцибхели, гъанбикесли саби нуша ванзаличиб Чевяхсини дакъубарибси алжанализир хердирули кали дуилрагу или. Гъялам халкълис илцадра эркинтири гъамру, гъаннагъунти нешанала ва рузбала бисали адамти къакъабикхъули ахенри, жагъилтала вавалидяхъибти гъамрула гими къябудахъули ахенри, адамтала уркъбази чурхдеш хъурадирули ахенри...

Гъамру ардашунцад ца гъатли секлай уркли гъярбердесли къакъабулхъахъули саби, дила марти юлдашунани шалал дунья бархъбатур ибти деклти хабурти, дуцрумлизиб аршила авлахъличи чеберхурси хъябхъяла херкливан биркланти зер-зердулхъахъули, чархлизи духнадиркули сари. Хера, яргаличилси илгъуна хабарли ишди бурхназивра уркъухъахъунра. Наб-

чил вархли дахъал дусмазив узули калунси дила левгев гъахси юлдаш Хъябиб Хъяжиев гъамрулизивад шалгевухъи сай или багъахъур набзи. Ну дибгашан Хъябиб урцакан дила хеллира нуша дулекла узбиван дархдаси дирутири. Лебилра дила цархили юлдашуни илдигъунти саби, гъарли-мрти дубурлан яхла берти саби.

Илгъуна кахси хабарли ну левгев паргъатагарилахъубра, деклти хъялани урклилизи дарцикиб, Хъябибличил варх узути манзилти экраннизив кинола лентаван дагърилизири дагъардиуб. Агъ, веглебш, вайна дунья леб къалли, вегла урклилис гъамси адамлис сецад къияндикалра, селра барес имканти агартили урдулхъулра къалли нуша.

Вахъ гъахси адамри къалли Хъябиб Хъяжиев. Ил сунела хурматла мерличив валикибси, адамтачи дигили вицибси, сунечи хъарси ламусличил таманбиурси, чис-биалра гъахидеш барес бикалри разивириси гъахгъабза сайри. Илдигъунти багъадуртани къушум къугъабихъуси саби, адамтала ургала ряхъитили биахъести имканти алкъахъути сари, бузевила мер гъахбаркъунала хъулчиличи шурбалтуси саби. Дила ил пергер юлдаш нуни сеннира хъумартес хейрус. Чумра цархил дахадаевланнара дила къяйда урклилизи бугаси ургиван атун биэс ил агарвиънила кахси хабар. Хъябилра деклтигу илдигъунти адамтачила убла заманализив гъайиклес. Сепайда, нушани иш дуньяличиб селра барсбарес дирули ахенра, Чевяхсини сари нушаб къадурти лукъути.

Илгъуна деклси бетяхъриличил бархбасахъи, Хъябибла кулпетлизи, узи-уршилизи, урцакантази ва Дахадаевла районна лебилра жамигъатлизи уркли-урклилабадси пашмандеш багъахъес дигулра.

**Ражаб Мяхъиммадов.**



Адамла къисмат каберхалли, ил, шалал дуньяра батурли, итил дуньяличиб арвашуси сай. Илгъуна гъамрула бетуц чилилра я убъяхъес вирус ахен. Илкъяй-дали дуньяличибти гъялам халкъ цацали арбашутира саби.

Хера, ишди бурхназив Дахадаевла районна администрациялизив дахъал дусмазив узули калунси Хъябиб Хъяжиевра гъамрулизивад арякун.

50 дусличивра имцали Хъябиб Хъяжиев муниципалитетла службализив узули калунси сай. Илини районна жамигъатлаполитикала гъамрулизир жигарла буткъандеш дирутири.

Хъябиб Хъяжиев халкъла депутатунала Советла гъаибил созывла Дахадаевла районна депутатлира викибсири.

Хъябиб Хъяжиев аклубси сай 1946 ибил дусла декабрьла 20-личив Дахадаевла районна Урцакила шилизив.

1964 ибил дуслизиб Сергокъала-

лизиб педучилище таманбарисире. Гур Дагъистанна пачалихъла педагогический институтлизиб чебахси даражала багъудира касиб.

1970 ибил дусла декабрьла 16-личивад Дахадаевла райсоветла халкъла депутатунала исполкомла обший отделла заведующийли узес вехихъисире.

Кинайс, Дахадаевла районна Администрацияла баркъудлумаляуправляющийли узес вехихъисире.

Республикала рухлашалси бетуц гъалабахли башахънилизе, экономикашалти ва яшавла-

шалти баркъудлумази, экономика, яшавла, культурала программа гъамрулизиб дурабуркнилизе кабахъисе пай ахъли къиматлабирули, ил «Дагъиста Республикала Правительствола Хурматла Грамоталичил» шабагъатлаварибси сай.


Районнизиб хербирути лебилрара-сера адамтани ил къайгъичевсе, бузерилизиб декларулхъуси, кайзурси хъанчизар ва кумекбирес мурталра хъадурси, чекайзурси адам сайлин валусири.

«Дахадаевла район» муниципалитетла цалябахъла администрацияла аппаратли Хъябиб Хъяжиев хъалибарглизи ва гъамтази халаси пашмандеш балахъули саби.

**«Дахадаевла район» МО-ла администрация.**

**Районна депутатунала Собрание.**

## Застрахованным по ОМС стали доступны новые сервисы на Госуслугах



Федеральный фонд обязательного медицинского страхования (ФОМС) в рамках эксперимента по созданию, переводу и развитию государственных информационных систем и их компонентов на единой цифровой платформе «ГосТех» в соответствии с Постановлением Правительства РФ, а также в соответствии с планом перевода массовых социально значимых услуг в электронный вид совместно с Минцифры России запустил на Едином портале государственных услуг (ЕПГУ) новые сервисы для застрахованных по ОМС.

«Новые сервисы ОМС позволяют значительно упростить взаимодействие всех участников си-

стемы обязательного медицинского страхования. И самое важное, делает ближе и комфортнее систему ОМС для застрахованных, дает им возможность получить услуги без обращения в различные инстанции», — отметил Председатель ФОМС Илья Баланин.

Теперь застрахованным в системе ОМС на Едином портале государственных услуг доступны:

- постановка на учет в качестве застрахованного лица в системе ОМС;
- предоставление сведений о страховании застрахованного лица в системе ОМС;
- предоставление сведений о прикреплении застрахованного лица к медицинской организации;
- выбор (замена) страховой медицинской организации;
- предоставление сведений об оказанных медицинских услугах;
- приостановление действия полиса обязательного медицинского страхования;
- восстановление на учете застрахованного лица в системе обязательного медицинского страхо-

вания.

Воспользоваться новыми сервисами могут пользователи портала Госуслуг с подтвержденной учетной записью. Также застрахованные должны дать согласие на получение обновленных данных от Федерального фонда ОМС и актуализировать сведения о документах, удостоверяющих личность и СНИЛС.

Ранее всем застрахованным в системе обязательного медицинского страхования, актуализировавшим свои данные на портале Госуслуг, стали доступны цифровые полисы ОМС. Теперь для получения помощи в медицинской организации достаточно предъявить паспорт или свидетельство о рождении для детей до 14 лет. При необходимости можно показать цифровой документ на экране телефона, а при онлайн-записи к врачу или прикреплении к поликлинике, данные о полисе будут «подтягиваться» автоматически из личного кабинета.

**Директор Дагогнинского Филиала ТФОМС РД Сулейманов Р. С.**

## Дусла учитель – 2023 Усташе ункъдикла хули

Гъарил адам сунени чебиклибси санигъят мурхъли бяркъес ва ил цархилтазира гъебасахъес къайгъилизвив виэс хъяжатси саби. Хаслира мугъяллимти чула дагъри ва усташе ахъдусе, чеалкъуси наслу усташеличил багъуддумачи бегъибихъес, илдас гъибратчеси бяркъ бедес къайгъинабиркутили биэс чебиркур. Илкъяйдала мугъяллимтала усташе белгидирнилис хасдарибти далдуцини дурадуркнира дигеси саби.

Хъера, гъалабванра районна администрацияла заллизиб, Дахадаевла районна

бекли Мяхъяммад Гъябдулкади-ровли, совещаниела дазурбазиб лебил Россияла «Дусла учитель – 2023» ибси конкурслизир чедирикбси мугъяллим ва призерти шабагъатлабирнила балбуц дураберкиб.

Районна бекли конкурсличила баянти гъаладирхъули багъахъур, ил санигъятлати усташе ахъдурнилис кумекли бетаруси балбуц биъниличила. Илдигъунти конкурсни дурадуркялли, пагъмучебти учительти белгибирес ва илди шабагъатлабирес имканбикъули саби, иб илини.

«Хуша дахъал дусмазир дузулрая ва нушала багъудила бетуцла пахрули детаурлира. Хаслира хушала бузерили саби нушала районна челябкъла белгибируси.

Хушани бучлахъути ва бяркъличи биркахъути дурхънала някъбази биркуси сабину ил.

Багъудичебти ва къайгъичебти жагъилти руркънилис хушаб бар-

Гур муниципалитетла бекли Шаласила школала урус мезла ва литературала учительница Марина Мяхъяммадовас конкурслизир чедирикнила диплом бебид.

Призертала дипломти дедиб Къишала бехлибхъудла школала учительница Оксана Мяхъяммадовас, Кубачила школала географияла учитель Ильяс Гъяхъяммадовлис, Меушишала школала физкультурала учитель Мяхъяммадзагъир Бяхъяммадовлис ва Уркухъла дахъал шалубар гимназияла учитель Бяхъяммад Умматовлис.

Чула яргализиб педагогунани районна руководстволис саби гъеббуци багъандан баркалла багъахъур.

**Р. Сурхаева.**  
**Информцентр.**



калла балахъула. Хушала багъуддуми, цакъани ва къайгъни илди гъарил секлайзиб бажардичебти, чучи саби бирхутили халабаахъес дяхъичаилра. Школализир касибти багъуддумала гъяхъидешли дурхънани гъямрули-

зиб чус лайкъси мер буцес бажардичиркиличи вирхес вирар. Ишбархли вегъличи вегъли вирхни ва къияндешунази-вад гъелумхъелзусили виъни лебгъеб къиматчеси саби», — буриб Мяхъяммад Гъябдулкади-ровли.



## Бучантани имтихъантаци хъядурдеш бирули

Дахадаевла районна багъудила учреждениебала 9-ибти классназибадти 250-йчибра имцла выпускникли ишди бурхъназир итоговое собеседованиелизир (хасси журала ихтилатлизир) бутлакъяндеш дариб. Ил шайчир гъяхъити хъясилти чедаахъибти бучантани пачалихъла итоговая аттестациялизир бутлакъяндеш дирути сари.

Дурхънани авал хъарбаркъ тамандирути сари ил балбуцлизир бутлакъяндеш дарес багъандан. Хъарбаркъуни ишдигъунти сари: ахъли текст бучлини; чеимцла баянтира пайдаладарили, материалла мягъна бурни; вегъли чебиклибти тема баянбарни; экзаменатор-собеседникличил (имтихъанти къабулдиран-ихтилатчичил) ихтилатиклини.

Арадешлизиб нукъсанбикибти 5 бутлакъянчилис имтихъанна бухъяндеш имцлабарили саби 30 минутла къадарлизир (45 минутличи бикайчи).

Школьникли хъарбаркъуни

тамандарес хъейубли ва «незачет» касили виалли яра мардарести сабабтачирли собеседованиелизир бутлакъяндеш дарес бетхъеурли биалли, гурхъейс кабизахъурси манзиллизир – 2023 ибил дусла мартла 15-личир ва майла 15-личир имтихъанти дедес ихтияр леб.

Хъарбаркъуни ункъли тамандарнилизир халбируси саби 20

асубигутирадла 10 балл касалли.

Имтихъанти къабулдирути сари урус мезла ва литературала мугъяллимтани. Имтихъантала хъясилтачила баянти дурути сари собеседование дураберкили 5 бархли дикили гъергъи. Итоговое собеседование дурабуркхъули аудиозапись пайдалабируси саби.

**М. Гъяхъяммадова.**  
**Информотдел.**



# ШИЛА ГЪЯМРУ СЕЛЬСКАЯ ЖИЗНЬ

**УЧРЕДИТЕЛЬ:**

«Дахадаевла район» МО – ла администрация.

<http://selskayajizn.ru/>

сетевое издание

«Кала Корейш медиа»

e-mail: [inf.otdel7@mail.ru](mailto:inf.otdel7@mail.ru)

Тел: 55-40-71

1931-ибил дусличибад дурабулхъуси саби

Газета 2009 ибил дусла декабрьла 28-личиб массовая коммуникациябала, бархбасла ва культураласи букъур мяхъкамбирнила шайчиб хъеруди бузахъуси Федеральная служба ДР-лизибси Управлениелизиб белкунси саби. ПИ № ТУ 5-0047

Газета дурабулхъуси саби жумягъ бархли.

Дусли 52-на дурабулхъан.

Индекс -- 63314

Печатьлизи къулбасбарес кабизахъурси замана -- 16.00.

Печатьлизи къулбасбарибси замана -- 16.00.

Редакциялизи дархъибти белкнанс рецензия лукъуси ахъен, я илди чула бегътачи чардирути ахъен.

Газетализи кадирхъути материалтала автортала пикрумачил редакцияла пикри цугхъебикесра асубирар

ДР-ла миллатласи политикала, информацияла ва дуралати бархбасунала шайчибси министерствола газетабала-журналтала типографиялизиб кабахъибси саби.

Адрес: 367018 Мяхъячкъалала шагъар, Насрудиновла уличился къакъа, 61

Автортани чула материалтала хъекъдешлис ва бархъдешлис жаваб лугуси саби.

Редакцияла ва издательла адрес: Дахадаевла район, Уркухъла ши, Г. Гъялиевла уличился къакъа, 9 «а»

ТИРАЖ – 800 экз

Бекли редактор  
Чапарова М. М.  
Редактор  
Курбанова П. О.